

後
漢
書
疏
證

後漢書疏證卷二十一

吳 沈欽韓撰

九江郡

州郡志魏復曰淮南郡魏志

楚王彪傳楚國除為淮南郡陳壽

志中或稱九江或稱楚國或稱淮南其例自亂

倉慈傳建安中太祖開募屯田

于淮南慈為綏集都尉

彪志刺史治歷陽劉昭引漢官

春壽春術已據之劉繇乃渡江治曲阿則不始于袁術也蓋彪志只據順帝時耳中葉後實已移壽春英雄記

袁術用陳瑁為揚州刺史術敗於封丘南向壽春瑁拒術不納術退保陰陵則刺史固在壽春

陰陵

元和志漢陰陵縣故城在濠州定遠縣西北六十五里

水經注淮水北逕莫邪山西山南有陰陵縣故城後漢

九江郡治

南史韋叡傳自合肥徑陰陵大澤過濶谷輒飛橋以濟師寰宇記濠州鍾離縣有莫邪山

吳志孫賁傳賁依袁術術從兄紹用會稽周昂為九江太

守紹與術不協術遣賁攻破昂于陰陵

壽春

通典壽州壽春縣漢舊縣

隋志舊有淮南梁郡北譙汝陰等郡開皇初並廢入壽春

水經注淮水東流與潁口會

晉書謝玄傳符堅眾號百萬先遣符融慕容暉張蚝

符方等至潁口

東南逕蒼陵城北

地形志壽春有蒼陵城

又東北逕壽春

縣故城西肥水從城西北入于淮謂之肥口又北夏肥

水注之又肥水自黎漿北逕壽春縣故城東為長瀨津

西逕東臺下有湖謂之東臺湖肥水故瀆遏爲舩官湖
湖北對八公山山無草木惟童阜耳肥水又左納芍陂
瀆瀆水自黎漿分水逕芍陂門右北入城昔鉅鹿時苗
爲縣長是其畱犢處也

羊篇有私牛于官舍產犢及遷而畱之事與此同

瀆東

有東都街有宋司空劉劭廟廟前有碑建元四年故吏
顏幼明爲其廟銘故佐龐璉爲廟讚夏侯敬友爲廟頌
宋書劉劭傳殷琰開門請降劭約令三軍不得妄動城內士民秋毫無所失百姓感悅生爲立碑肥水
北注舊瀆之橫塘逕立康城西北流北出卽符堅戰敗
處吳志五鳳二年魏毋丘儉文欽以壽春叛孫峻及驃
騎將軍呂據左將軍畱贊率兵襲壽春淮南餘眾數萬

口來奔魏諸葛誕入壽春峻引軍還及魏將軍曹珍遇
於高亭交戰珍敗績留贊爲別將蔣班敗于菰陂贊及
將軍孫楞蔣修等皆遇害孫峻傳注魏將蔣班以步騎四千追贊贊病困不能整陣
初贊爲將臨敵必先被髮叫天抗音而歌左右皆應之
畢乃進戰戰無不克及敗嘆曰吾戰有常術今病困若
此固命也魏志諸葛誕傳誕反遣長史吳綱將小子覲至吳
請救吳人大喜遣將全惲全端唐咨王祚等率三萬眾
與文欽俱來應是時鎮南將軍王基始至督諸軍圍壽
春未合咨欽等從城東北因山乘險得將其眾突入城
大將軍督二十六萬眾臨淮討之大將軍屯丘頭使基
及安東將軍陳騫等四面合圍表裏再重又使監軍石

苞兗州刺史州泰等簡銳卒爲游軍備外寇欽等數出
犯圍逆擊走之吳將朱異再以大衆來迎誕等渡黎漿
水泰等逆與戰每催其鋒城中食轉少外救不至將軍

蔣班焦彝皆誕爪牙計事者也弃誕踰城自歸

漢晉春秋曰蔣

班焦彝言於誕曰朱異等以大衆來而不能進孫綝殺
異而歸江東外以發兵爲名內實坐頃成敗今宜及眾
心尙固士卒思用并力決死攻其一面雖不能盡克猶
可有全者文欽曰公今舉十餘萬之眾內附而欽與全
端等皆同居死地父兄子弟盡在江表就孫綝不欲主
上及其親戚豈可聽乎且中國無歲無事今守我一年
勢力已困異圖生心變故將起以往準今可計日而望
也班彝固勸之欽怒而誕欲殺二人十一月乃相攜而
降晉書文帝紀帝羸形以示之多縱反閒揚言吳救方
至誕等益寬恣食俄而城中乏糧石苞王基並請攻之
帝曰今若急攻之損游軍之力外寇卒至表裏受敵此
危道也今三叛相聚於孤城之中天其或者將使同戮

吾當以長策縻之但堅守三面若賊陸道而來軍糧必少吾以游兵輕騎絕其轉輸可不戰而破外賊破欽等必成大將軍乃使反閒以奇變說全懌等懌等開門來擒矣鍾會傳懌兄子懌儀留建業與家內爭訟攜其母將出部曲渡江自歸文王會建業密爲懌儀作書使懌儀所親信齎入城告懌等說吳中怒懌等不能拔壽春欲盡誅諸將家故逃來歸命懌等懼遂出降三年

正月誕欽咨等大爲攻具晝夜五六日攻南圍欲決圍而出圍上諸軍臨高以發石車火箭逆燒破其攻具弩矢及石雨下死傷蔽地復還入城城內食轉竭降出者數萬口欽欲盡出北方人省食與吳人堅守誕不聽由是爭恨誕遂殺欽誕咨等智力窮乃四面進兵鼓譟登城誕窘急單乘馬將其麾下突小城門出司馬胡奮部

兵逆擊斬誕晉書石勒載記元帝使諸將率江南之眾
大集壽春勒軍中饑疫死者大半檄書朝夕繼至張賓
曰晉之保壽春懼將軍之往擊爾今卒聞迴軍必欣於
敵去未遑奇兵倚擊也輜重逕從北道大軍向壽春輜
重既過大軍徐迴乃遣石季龍率騎二千距壽春會江
南運船至獲布米數十艘將士爭之不設備晉伏兵發
敗季龍於巨靈口祖約傳王敦舉兵約率眾次壽陽逐敦所署淮南太守任台進號鎮西將軍使屯壽陽爲北境藩扞咸和三年石堪攻祖約於壽春祖約奔歷
陽百姓陷於賊者二萬餘戶蔡謨傳左衛將軍陳光上
疏請伐胡詔令攻壽陽謨上疏曰壽陽城小而固自壽

陽至瑯琊城壁相望其閒遠者裁百餘里一城見攻眾
城必救且王師在路五十餘日劉仕一軍早已入淮賊
之郵驛一日千里河北之騎足以來赴非惟鄰城相救
而已夫以白起韓信之勇猶發梁焚舟背水而陣今欲
停舩水渚引兵造城前對堅敵顧臨歸路此兵法之所
戒也若進攻未拔胡騎卒至懼桓子不知所爲而舟中
之指可掬今征軍五 皆王都精銳以國之上騎擊寇
之下邑得之則利薄失之則害重而足以益寇非策之
長者殷浩傳上疏北征以淮南太守陳遼兗州刺史蔡
裔爲前鋒安西將軍謝尚北中郎將荀羨爲督統
關江西嚳田千餘頃以爲軍儲師次壽陽潛誘符健大
臣梁安雷弱兒等使殺健許以關右之任浩旣至許昌

會張遇反謝尙又敗績浩還壽陽謝尙傳大司馬桓溫欲有事中原使率眾向壽春通鑑永和五年桓溫聞趙亂出屯安陸遣諸將經營北方趙揚州刺史王浹舉壽春降西中郎將陳達進據壽春通鑑太元八年秦主堅大舉入寇戎卒六十餘萬騎二十七萬詔以尙書僕射爲征討大都督以徐兗二州刺史謝玄爲前鋒都督與輔國將軍謝琰西中郎將桓伊等眾八萬拒之使龍驤將軍胡彬以水軍五千援壽陽秦陽平公融等攻壽陽克之胡彬聞壽陽陷退保硖石融進攻之秦衛將軍梁成等帥眾五萬屯於洛澗柵淮以遏東兵謝石謝玄等去洛澗二十五里而軍憚成不敢進堅遣尙書朱序來說謝石等以爲強弱異勢不如速降序私

謂石等曰若秦百萬之眾盡至誠難與爲敵今乘諸軍未集宜速擊之若敗其前鋒則彼已奪氣可遂破也石聞堅在壽春甚懼欲不戰以老秦師謝琰勸石從序言十一月謝玄遣廣陵相劉牢之帥精兵五千趣洛澗未至十里梁成阻澗爲陳以待之牢之直前渡水擊成大破之斬成秦步騎崩潰爭赴淮水死者萬五千人於是謝石等諸軍水陸繼進秦王堅與陽平公融登壽陽城望之見晉兵部陳嚴整又望八公山上草木皆以爲晉兵顧謂融曰此亦勍敵何謂弱也憊然始有懼色秦兵逼肥水而陣晉兵不得渡謝玄遣使謂陽平公融曰君

懸軍深入而置陣逼水此乃持久之計非欲速戰者也
若移陳少卻使晉兵得渡以決勝負不亦善乎秦諸將
皆曰我眾彼寡不如遏之使不得上可以萬全堅曰但
引兵少卻使之半渡我以鐵騎蹙而殺之蔑不勝矣融
亦以爲然遂麾兵使卻秦兵遂退不可復止謝玄等引
兵渡水擊之融騎馳略陳馬倒爲晉兵所殺秦兵遂潰
玄等乘勝追擊至於青岡秦兵大敗自相蹈藉而死其
走者聞風聲鶴唳皆以爲晉兵且至晝夜不敢息草行
露宿重以饑凍死者什七八朱序與張天錫徐元喜皆
來奔復取壽陽宋書劉康祖傳虜引大軍南度南平王

鑠在壽陽上虜為虜所圍召康祖速反康祖率豫州軍出許洛未

至壽陽數十里會虜永昌王庫仁真以長安之眾八萬

騎與康祖相及於尉武南平王鑠傳作尉氏津通鑑考異定為尉武康祖凡

有八千人軍副胡盛之欲附山險閒行取至康祖怒曰

吾受命清蕩河洛寇今自送不復遠勞王師犬羊雖多

實易摧滅吾兵精器練去壽陽裁數十里援軍尋至亦

何患乎乃結軍營而進虜四面來攻大戰一日一夜殺

虜填積虜分眾為三且休且戰以騎負草燒車營康祖

矢中頸死於是大敗為虜所殺盡索虜傳永昌王破劉康祖於尉武引眾向

壽春自青岡屯孫叔敖冢脅壽陽城實宇記青岡在壽春縣西三十里殷琰傳劉劭率盛

朔將軍呂安國討琰勛與諸軍分營城外黃回立航渡

肥水叔寶

殷琰參軍杜叔寶

遣馬步三千欲破航并柵斷小峴

埭回擊大破之焚其舩柵勛豎長圍作大蝦蟇車載土

牛皮蒙之二百人推以塞塹琰戶曹參軍虞挹之造礮

車擊之以石車悉破壞

南史琰傳晉安王子勛反以琰為豫州刺史土人前右軍杜叔

寶等勸琰同逆琰素無部曲無以自立受制於叔寶二年正月劉劭西討十二月琰乃始降

浚道

舊唐志廬州慎縣漢浚道縣故城在今縣南

寰宇記縣南二十五

里隋為慎縣水經注肥水又北右閭澗水北流逕浚道

縣西水積為陽湖陽湖水自死虎塘西北逕死虎亭南

夾橫塘西注水分爲二洛澗出焉閭漿水注之芍陂水上承澗水於五門亭南別爲斷神水又東北逕白芍亭東積而爲湖謂之芍陂西北爲香門陂陂水北逕孫叔敖祠下謂之芍陂瀆又北分爲二水一水東注黎漿水黎漿水東逕黎漿亭南文欽之叛吳軍北入諸葛緒拒之於黎漿卽此水見鄧艾傳中吳志孫綝傳綝大發卒出屯鏤里寰宇記鏤里在壽春縣按胡三省云巢縣界者近之不在壽春復遣朱異率將軍丁奉黎斐等五萬人攻魏畱輜重於都陸異屯黎漿遣將軍任度張震等募勇敢六千人於屯西六里爲浮橋夜渡築偃月壘爲魏監軍石苞及州泰所破軍卻退就

高異復作車箱圍趣五木城苞泰攻異異敗歸而魏太

山太守胡烈以奇兵五千詭道襲都陸盡焚異資糧緄

授兵三萬人使異死戰異不從緄斬之於鑊里江表傳曰孫亮

召黃門侍郎全紀曰孫緄專勢輕小於孤孤見敕之使

速上岸爲唐咨等作援而臨湖中不上岸一步委罪朱

異擅殺功臣晉書文帝曰異不得至壽春非其罪也石

而吳人殺之適以謝壽春而堅誕意使其猶望救耳勒載記石聰攻壽春不克還寇浚適阜陵殺掠五千餘

人京師大震宋書殷琰傳劉順柳淪皇甫道烈龐天生

等馬步八千人東據宛唐去壽陽三百里通鑑注宛唐是死虎之誤

杜佑曰死武在壽春縣東四十餘里按宋書於黃回傳仍作死虎勵率眾軍并進相持

守四月順等軍食盡報杜叔寶送食叔寶乃發車千五

百乘載米餉順自以五千精兵防送之勔聞之軍副呂安國曰劉順精甲八千而我眾不能居半相持既久強弱勢殊所賴在彼糧竭我食有餘耳若使叔寶米至非唯難可復圖我亦不能持久今唯有間道襲其米車出彼不意若能制之將不戰走矣勔以爲然選千百精手配安國及軍主黃回等間路出順後於橫塘抄之二日叔寶果至以米車爲函箱陣叔寶於外爲游軍幢主楊仲懷領五百人居前與安國回等相會仲懷部曲并欲退就叔寶并力擊安國仲懷曰統軍在後政三二里閒比吾交手何憂不至即便前戰回所領并淮南楚子天

卜精兵眾力既集合戰便破殺仲懷所領五千人死盡
叔寶至回等欲乘勝擊之安國曰彼將自走不假復擊
叔寶果棄米車奔走安國夜往燒米車驅牛二千頭而
還劉順聞米車燒眾潰奔還壽陽

成德

一統志成德故城在壽州之東南水經注肥水出成德
縣廣陽鄉呂枕字林曰肥水出良餘山俗謂之連柳山
北流分爲二水施水出焉肥水北逕荻城東自荻丘北
逕成德縣故城西又施水自成德東逕合肥縣城南魏志
劉曄成德人鄭寶張多許乾之屬各擁部曲寶最驍果
才力過人一方所憚欲驅略百姓越赴江表以曄高族

名人欲強逼曄曄時年二十餘以內憂之而未有緣會
太祖遣使詣州曄往見爲論事勢要將與歸寶從數百
人齋牛酒來侯使曄令家僮將其炊坐中門外設酒飯
與寶於內宴飲密勸健兒令因行觴而斫寶寶性不甘
酒視候甚明觴者不敢發曄因自引佩刀斫殺寶以令
其軍云曹公有令敢有動者與寶同罪曄乘寶馬詣寶
營門呼其渠帥喻以禍福皆開門內曄推曄爲主曄不
欲擁兵委其部曲與廬江太守劉勳勳恠其故曄曰寶
眾素以鈔略爲利僕宿無資而整齊之必懷怨難久故
相與耳按魯肅傳劉子揚與肅友善遺肅書曰方今天
下豪傑并起吾子姿才尤宜今日急還迎老母無事滯
於東城近鄭寶者今在巢湖擁眾萬餘處地肥饒廬江
人多依就之況吾徒乎觀其形勢又可博集時不可失
足下速之子揚曄之字也觀與肅書則曄意初謂寶可
託後料其不能成事乃轉計圖之兩傳之文有似全不
相涉何陳壽之鈍置也欽韓以爲朋友之恩有生死而
肉骨者使魯子敬於此無周公瑾之言則必往從鄭寶
就使自全擾攘得歸曹氏極其智能不過與劉曄輩比
肩汶汶而沒耳豈若赫然立功立事董統方面主尊臣
顯爲天下第一流人哉管子云成我者鮑子成子敬者

公僅也劉曄之徒何足結契

西曲陽

通典漢曲陽縣故城在濠州定遠縣西寰宇記廢西曲陽故城在壽春縣東北八十三里通典所云恐是下邳之曲陽水經

注淮水右納洛川於西曲陽縣北水分閭溪北絕橫塘

又北逕蕭亭東北逕西曲陽縣故城東下邳有曲陽故

是加西洛澗北厯秦墟下注淮謂之洛口

寰宇記洛水自定遠縣西

白望堆入界與壽春縣洛水口中流分界屈北八里流至所部新城村入淮按魏中山王元英大將楊大眼軍敗脫身走至洛口又梁天監四年興兵伐魏舟師晉書十萬以臨川王宏爲大都督沿江入淮軍次洛口桓溫傳袁真據壽陽病死子瑾嬰城固守溫築長圍守

之符堅使其將王鑒張蚝等率兵救瑾屯洛澗先遣精騎五千次於肥水北溫遣桓伊及弟子石虔等逆擊大破之瑾眾遂潰生擒之

合肥

通典廬州合肥縣漢舊縣故城立北水經注施水東南流連逕合肥縣蓋夏水暴漲施合於肥故曰合肥也城居四水中又東有逍遙津孫權之攻合肥張遼敗之於津北施水又東逕湖口戍東注巢湖謂之施口魏志劉馥傳太祖方有袁紹之難謂馥可以任以東南之事遂表爲揚州刺史馥旣受命單馬造合肥空城建立州治

此則彼時
之權制
數年中恩化大行百姓樂其政興治芍陂及

茹陂七門吳塘諸塢以溉稻田官民有畜又高爲城壘
多積木石編茅草苦數千萬枚益貯魚膏數千斛爲戰
守備張遼傳太祖旣征孫權還使遼與樂進李典等將
七千餘人屯合肥太祖征張魯教與護軍薛悌署函邊
曰賊至乃發俄而權率十萬眾圍合肥乃共發教教曰
若孫權至者張李將軍出戰樂將軍守護軍門勿得與
戰諸將皆疑遼曰公遠征在外比救至彼破我必矣是
以教指及其未合逆擊之析其盛勢以安眾心然後可
守也成敗之機在此一戰諸君何疑李典亦與遼同

凌統

傳從往合肥爲右部督時權徹軍前部已發魏將張遼等奄至津北權使追還前兵之去已遠勢不相及統率親近三百人陷圍扶攴權出敵已毀橋橋之屬者兩板權策馬驅馳統復還戰左右盡死身亦被創權旣御船度權已免乃還橋敗路絕統被甲潛行見之驚喜江表傳曰谷利在馬後使權持緩鞅利於後著鞭以助馬勢遂得超度滿寵傳時孫權歲有來計青龍元年寵上疏曰合肥城南臨湖江北遠壽春賊攻圍之得據水爲勢官兵救之當先破賊大輩然後圍乃得解賊往甚易而兵往救之甚難宜移城南之兵其西三十里有奇險可依更立城以固守此爲引賊平地而掎其歸路於計爲便帝未許寵重表曰孫子言兵者詭道也故能而示之以弱不能驕之以利市之以懾此爲形實不必相應也又曰

善動敵者形之今賊未至而移城卻內此形而誘之也

詔遂報聽其年權自出欲圍新城以其遠水積二十日

不敢上船原本作下船誤寵謂諸將曰權得吾移城必於其眾

中有自大之言今大舉來欲要一切之功雖不敢至必

當上岸耀兵以示有餘乃潛遣步騎六千伏肥城隱處

以待之權果上岸寵伏軍卒起擊之斬首數百明帝紀青龍二

年孫權向合肥新城寵欲拔新城守致賊壽春帝不聽

曰昔漢光武遣兵縣據略陽終以破隗囂先帝東置合

肥南守襄陽西固祁山賊來輒破於三城之下者地有

所必爭也縱權攻新城必不能拔敕諸將堅守吾將自

往征之比至恐權走也吳志建安十三年權自率眾圍

合肥二十年權反自陸口遂征合肥黃龍二年魏作合

肥新城嘉禾二年權向合肥新城三年權率大眾圍合

肥新城諸葛恪傳圍新城攻守連月城不拔士卒疲勞

因署飲水泄下流腫病者大半死傷塗地恪內雖失計而恥城不下忿形於色魏知戰士罷病乃進救兵晉書司馬孚傳恪圍新城以孚督諸軍二十萬禦之孚次壽春諸將欲速擊之孚曰夫攻者借人之力以爲功且當詐巧不可力爭故稽郗鑒傳明帝杖鑒爲外援拜安西留月餘乃進吳師退

將軍鎮合肥毛寶傳寶進攻祖約軍次東關破合肥

陳敏

傳三王起義京師倉庫空虛敏建議曰南方米穀積數十年將欲腐敗而不漕運以濟中州非所以救患周急也朝廷從之以敏爲合肥度支按此爲東南轉運之始通典偶失載之

歷陽

通典和州歷陽縣漢舊縣西南百八十里有濡須水孫

權築塢於此以拒曹操

寰宇記梁山在縣南七十里俯臨江水南對江南之博望山

屬姑熟二山隔江相對望之如門南朝謂之天門山兩岸山頂各有城並王玄謨所築橫江津在縣東南二十

六里當利浦在州東二十里胡州郡志豫州刺史永和
三省曰橫江渡今之楊林渡口

四年謝尚鎮歷陽太元十二年桓石虔戍歷陽桓石虔傳久之

命移鎮馬頭石虔求停歷陽按相伊傳由吳志劉繇爲
歷陽大守都督豫州刺史當亦在歷陽

揚州刺史時吳景尚在丹陽策從兄賁又爲丹陽都尉

繇至皆迫逐之景賁退舍歷陽繇遣樊能于糜陳橫屯

江津張英屯當利口以拒術術以景爲督軍中郎將與

賁共將兵擊英寺連年不克策乃說術乞助景等平定

江東妃嬪傳徐琨母孫堅妹琨隨孫策討樊能等於橫江擊張英於當利口而船少欲駐軍更求琨母謂

曰恐州家多發水軍來逆人則不利矣如何可駐耶宜
伐蘆葦以爲附佐船渡軍琨具啟策策卽行之眾悉濟

遂破英宗室傳策使輔西屯建安十六年聞曹公將來
歷陽以拒袁術并招誘餘民

侵作濡湏塢十八年曹公攻濡湏權與相拒月餘

吳歷曰曹

公出濡湏作油艫夜渡權以水軍圍取得三千餘人其
沒溺者亦數千人權數挑戰公堅守不出權乃自來夜
乘輕艫從濡湏口入公軍諸將皆以爲是挑戰者欲擊
之公曰此必孫權欲自見吾軍部伍也敕軍中皆精嚴
弓弩不得妄發權行五六里迴還作鼓吹公見舟艫器
仗軍伍整肅喟然嘆曰生子當如孫仲謀若劉景升兒
子豚犬耳呂蒙傳從權拒曹公於濡湏勸權夾水口立
塢吳錄曰權欲作塢諸將皆曰上艫擊賊跳足入艫何
用塢爲蒙曰兵有利鈍戰無百勝如有邂逅敵步
騎蹙人不服及水其得入艫乎權曰善遂作之

二十

一年春曹公次於居巢遂攻濡湏朱桓傳代周泰爲濡

湏督黃武元年魏使大司馬曹仁步騎數萬向濡湏仁

欲以兵襲取洲上僞先揚聲欲東攻羨溪桓分兵赴羨

溪旣發卒得仁進軍拒濡湏七十里閒楊道使追還羨

溪兵兵未到桓手下及所部兵在者五千人諸將業業各有懼心桓喻之曰凡兩軍交對勝負在將不在眾寡諸君聞曹仁用兵孰與桓耶兵法稱客倍而主人半者謂俱在平原無城池之守又謂士眾勇怯齊等故耳今仁既非智勇加士卒甚怯千里步涉人馬罷困桓與諸軍據高城臨大江以逸待勞此百勝之術也桓固偃旗鼓外示虛弱以誘致仁仁果遣其子泰攻濡須城分遣將軍常雕王雙等乘油舫別襲中洲中洲者部曲妻子所在仁自將萬人留橐皋爲泰等後拒桓部兵將攻取油舫身自拒泰遂梟雕生虜雙送武昌臨陣斬溺死者

千餘

胡三省引杜佑曰羨溪在濡須東三十里

全琮傳黃武元年魏以舟軍

大出洞口權使呂範督諸將拒之軍營相望敵數千人

出江中琮擊破之梟其將軍尹慮

曹休臨江在洞浦口

自表願將銳卒虎步江南因敵取資事必克捷若其無臣不須爲念帝休便渡江驛馬詔止時昭侍側因曰竊見陛下有憂色獨以休濟江故乎今者渡江人情所難就休有此志勢不獨行當須諸將臧霸等既富且貴無復他望但欲終其天年保守祿祚而已何肯自投死地以求微倖苟霸等不進休意自沮臣恐陛下雖有敕度之詔猶必沈吟未便從命也是後暴風吹賊船悉詣休等營下斬首獲生賊遂迸散寰宇記歷陽縣有洞口浦
在水經云江晉書陳敏傳敏因中國大亂遂請東歸收兵據歷陽蘇峻傳峻爲歷陽內史既有功於國威望漸著有銳卒萬人庾亮欲徵之峻遣司馬何仍詣亮曰討

賊外任遠近從命至於內輔實非所堪不從峻素疑亮

欲害已表曰云云遂不應命朝廷遣使諷諭之峻曰臺

下云我欲反豈得活耶我甯山頭望廷尉不能廷尉望

山頭當即梁山也往者國危累卵非我不濟狡免既死獵犬

應烹但當死報造謀者耳庾亮傳嶠聞峻不受詔便欲

亮并不聽而報嶠書曰吾憂西陲過於歷陽足下無過

雷池一步也祖約傳勒遣石聰來攻約眾潰奔歷陽趙

亂復遣將軍甘苗從二焦上歷陽孔坦傳蘇峻反坦與

司馬陶回白王導曰及峻未至宜急斷阜陵之界守江

西當利諸口彼少我眾一戰決矣今不先往峻必以至

導然之庾亮以爲峻遲來是襲朝廷虛也故計不行譙

王尙之傳元顯稱詔西伐命尙之爲前鋒桓玄至姑熟遣馮該等攻厯陽斷洞浦焚尙之舟艦尙之率步九千陣於浦上先遣武都太守楊秋屯橫江秋奔於玄軍尙之眾潰逃於涂中通鑑元興三年桓玄兄子歆引氏帥楊秋寇厯陽豫州刺史魏詠之擊破之斬楊秋于練固胡三省曰練固在厯陽西北又甘寧屯當口疑卽當利口

當塗

通典濠州鍾離縣舊有當塗縣今廢隋志濠州塗山縣舊曰當塗舊唐志

武德七年首塗山縣入鍾離水經注淮水自莫邪山東北逕馬頭城

北魏馬頭郡治也按彪志縣有馬印聚馬頭卽馬丘之變州郡志馬頭郡屬南豫州故淮南

當塗縣地晉安帝立永和十一年謝史謝尙尙進馬頭太元十年刺史朱序戍馬頭故當塗縣之

故城濠水出莫邪山東北溪溪水西北引瀆逕馬墟北

西流注於淮

青林水又西南恩尋陽分爲二水右對馬頭岸

吳志建安十三年

使張昭攻九江之當塗昭兵不利石勒載記晉將趙胤

攻克馬頭毛寶傳先是桓宣背祖約南屯馬頭山爲煥

撫所攻求救于寶寶眾以宣本是約黨疑之宣遣子戎

重請寶卽隨戎赴之未至而賊已與宣戰寶軍懸兵少

器仗濫惡大爲煥撫所破寶中箭貫髀徹鞍使人蹋鞍

拔箭血流滿鞞夜奔船所百餘里

南齊志北徐州馬頭郡領已吾一縣地形

志南兖州馬頭郡領

斬已吾下邑三縣

鍾離

通典濠州鍾離縣漢舊縣縣東四里有古鍾離城梁築

荆山堰在郡城一百二十二里

寰宇記三國時廢按州郡志三國時江淮戰爭

之地其間不居孝各數百里應陽當塗浚道鍾離諸縣并在江北淮南肅其地無復民戶蔣濟傳太祖欲徙淮

南民江淮間十餘萬眾皆驚走吳水經注淮水又東逕浮山山北對嶼

石山梁氏天監中立堰於二山之間逆天地之心乖民

神之望自然水潰壞矣

事詳梁書康絢傳

宋書索虜傳虜掘破

許昌城又毀壞鍾離城以立疆界而還

通鑑景平二年作鍾城按魏此

時始克許昌汝南猶未至淮南界也當從通鑑鍾城元嘉二十七年焚掠馬頭鍾

離州郡志宋徐州刺史治鍾離南史曹景宗傳天監五

離年魏中山王英攻鍾離圍徐州刺史昌義之詔景宗督眾軍援之章叡與景宗進頓邵陽洲立壘與魏城相

去百餘步魏將楊大眼對橋北岸立城以通糧運每牧

人過岸伐芻藁皆爲大眼所略景宗乃募勇敢士卒千
餘人逕度大眼城南數里築壘親自舉槩大眼來攻景
宗破之因得壘成使別將趙草守之因謂趙草城是後
恣芻牧馬先是詔景宗等預裝高艦使與魏橋等爲火
攻計令景宗與獻各攻一橋獻攻其南景宗攻其北六
年三月因春水生淮水暴長六七尺獻遣所督將馮道
根李文釗韋叔裴遜等乘艦登岸擊魏洲上軍盡殪景
宗使眾軍復鼓譟亂登諸城呼聲震天地大眼於西岸
燒營英自東岸棄城走悉棄器甲爭投水死淮水爲之
不流景宗命軍主馬廣躡大眼至獄水上義之出逐英
至洛口英以匹馬入繁城緣淮百餘里屍骸相藉虜五
萬餘人韋獻傳魏人先於邵陽洲兩岸爲兩橋樹柵數
百步跨淮東道獻聞艦競發皆臨賊壘以小舠載草灌
之以膏從而焚其橋風怒火盛敢死之士拔柵斫橋水
又漂疾倏忽之間橋柵盡壞道根等皆身自搏戰魏人
大潰趨水死者十餘萬斬首亦如之其餘釋甲稽顙乞
爲囚奴猶數十萬

全椒

通典滁州全椒縣漢舊縣又清流永陽二縣皆漢全椒

縣地寰宇記清流關在清流縣西二十二里琅琊山在縣西南十二里其山始因晉元帝爲琅琊王避地

於此因名王應麟曰郡縣志琅琊王出涂中卽此地晉書

桓石綏走江西塗中聚眾攻厯陽桓溫傳使會稽王昱

會溫於涂中

阜陵

通典漢阜陵縣故城在滁州全椒縣南寰宇記縣西通

鑑太和五年吳主使中郎將孫布詐降以誘揚州刺史

王淩吳主伏兵於阜陵以俟之布遣人告淩云道遠不

能自致乞兵見迎淩騰布書請兵馬迎之征東將軍滿

寵以爲必詐不與兵淩於後索兵不得單遣一督將步
騎七百人往迎之布夜掩擊督將迸走死傷過半吳志
策母先自曲阿徙於厯陽策又徙母阜陵渡江轉鬪江表
傳曰劉繇既走策入曲阿將陳寶詣阜陵迎母及弟

下蔡

寰宇記壽州下蔡縣漢縣梁大同中于峽石山作城以
拒東魏卽今縣城也屬潁州周平淮南移壽州於此水
經注淮水北逕山峽中謂之陝石對岸山上結二城以
防津要淮水又北逕下蔡縣故城東蔡昭侯自新蔡遷
於州來謂之下蔡也淮之東岸又有一城卽下蔡新城

也二城對據翼帶淮濱符秦載詔龍驤將軍胡彬先保
硤石爲融所逼糧盡詐揚沙以示融軍潛遣使告石等
曰今賊盛糧盡恐不見大將軍融軍人護而送之融乃
馳使白堅曰賊少易俘但懼其越逸宜速進眾軍堅大
悅恐石等遁也捨大軍于項城以輕騎八千兼道赴之
通鑑升平三年詔謝萬軍下蔡郗曇軍高平以擊燕

平阿

方輿紀要平阿城在鳳陽府懷遠縣北三十里水經注
淮之西有平阿縣故城淮出于荆山之左當塗之右奔
流二山之閒而揚濤北注也魏志王淩傳淩外甥令狐

愚以才能爲兗州刺史屯平阿舅甥並典兵馬專淮南

之重

按魏兗州刺史治廩丘此屯平阿蓋軍事取一時之便也

義成

按其地當在壽州霍邱縣北水經注淮水於荆山北過

水東南注之又東北逕沛郡義成縣東世謂之楮城非

按晉又別立義成郡於襄陽見桓宣傳州郡志雍州義成郡治襄陽宋治均又南兗州秦郡有義成縣皆僞置也

丹陽郡

州郡志漢獻帝建安十三年孫權分丹陽立新都郡晉

帝更名新安按陳始新晉名休陽孫休改海陽黎陽皆

壽志中已見新安

始新

遂安

休陽

黎陽皆

孫權分歙立

吳志賀齊傳討丹陽歙武強葉鄉東陽豐浦四鄉先降齊表言以葉鄉爲始新縣

復分歙爲新定

黎陽休陽并夥歙凡六縣割爲新都郡

立府於始新齊

爲太守又全綜傳權分丹陽吳會三郡

爲東安郡綜領

太守又全綜傳權分丹陽吳會三郡

守黃武七年罷

太孫皓寶鼎元年分吳丹陽立吳興郡

吳志注孫皓詔

曰吳郡陽羨永安餘杭臨水及丹陽故

鄣安吉原鄉於

潛諸縣地勢水流之便悉注烏程既宜

立郡以鎮山越

且以藩衛明陵奉承大祭諸葛恪傳恪

不亦可乎其分

此九縣爲吳興郡治烏程

以丹陽山險民多果勁雖前發兵徒得外縣平民而已

其餘深遠莫能禽盡乞爲官出之三年可得甲士四萬

眾議咸以丹陽地形險阻與吳郡會稽新都鄱陽四郡

鄰接周旋數千里山谷萬重其幽邃民人未嘗入城邑

對長吏皆仗兵野逸白首於林莽逋亡宿惡咸共逃竄

山出銅鐵自鑄甲兵俗好武習戰高尙氣力其升山赴
險抵突叢棘若魚之走淵猿狖之騰木也時觀閒隙出
爲寇盜每致兵征伐尋其窟藏戰則蠶至敗則鳥竄自
前世以來不能羈也皆以爲難恪盛陳其必捷朱然傳
陽爲臨川郡然爲太守裴松之云此郡尋罷非今臨川
即又孫賁傳賁爲丹陽都尉是漢固於丹陽置都尉也
周魴於吳時又爲
丹陽西部都尉

宛陵

通典宣州宣城縣漢宛陵縣

州郡志宣城縣漢舊縣元和志後漢順帝置宣城縣晉

屬宣城郡按前志本有宣城縣順帝時益分宛陵復置而彪志失之水經注淮水出陵陽

縣之東南北入大江其水又北歷蜀由山又北左合旋

溪北逕安吳縣東晉分宛陵丘

州郡志安吳縣吳立按程普傳討宣城經安吳

陵陽春穀諸賊是建安初已有此縣

同注南江江之北卽宛陵縣界南江

又東逕盩國縣南晉分宛陵立

州郡志盩國縣吳立元和志後漢末分宛陵南

鄉置按呂範傳以溧陽懷安立同爲奉邑又周勣傳舉孝廉爲盩國長轉在懷安計其時在建安中則懷安縣

亦漢末所置懷安隋志并入宣城吳志孫翊領丹陽太守

孫權殺吳郡太守盛憲憲故孝廉矯覽戴員亡匿山中

翊皆禮致之覽爲大都督

大都督之名僅見于此

督兵員爲郡丞

及翊遇害

翊爲左右邊鴻所殺

孫河馳赴宛陵責怒覽員二人議

曰伯海與將軍疏遠而責我乃爾討虜若來討吾屬無

遺矣遂殺河使人北迎揚州刺史劉馥以丹陽應之翊

帳下徐元等殺覽員權聞亂從椒丘還過定丹陽周泰傳策
討六縣山賊權住宣城使士自衛不能干人意尙忽略
不治園落山賊數千人卒至權始得上馬賊斫中馬被
眾莫能自定惟泰奮擊投身衛權身被
十二創良久乃蘇蔣欽傳欽屯宣城
呂範傳領宛陵
令討破丹陽賊

溧陽

元和志宣州溧陽縣本漢舊縣吳時置屯田於此又溧
水縣本溧陽縣地州郡志吳有溧陽爲屯田又分溧陽
世縣應是唐改爲溧吳志凌統傳父操孫策初興守永
陽唐不言沿革避諱
平長平治山越按此則永平晉書成帝紀咸和四年蘇
逸以萬餘人自延陵湖將入吳興將軍王允之及逸戰

於溧陽獲之

蘇峻傳蘇逸爲李湯所執斬於車騎府張健更以舟軍自延陵向長塘楊烈將軍王

允之與吳興

諸軍擊健大破之獲男女萬餘口健復與

馬雄韓晃等

輕軍俱走闕率銳兵追之及於巖山政之

甚急健等不

敢下山惟晃獨出帶兩步數箭卻據胡牀

彎弓射之傷

殺甚眾箭盡乃斬之通鑑張健與韓晃馬

雄等西趨故

鄒鑒遣參軍李闕追之及於平陵山皆

斬之按元和

志平陵山在溧陽縣南十八里晉成帝時

李闕斬韓晃

於此紀與傳不同當從傳爲是巖山與平

陵山不同當

從通鑑寰宇記長塘湖在金壇縣南三十

里通鑑泰始

二年晉安王子助卽皇帝位於尋陽四方

貢計皆歸尋

陽朝廷所保惟丹陽淮南等數郡東兵已

至永世宮危

懼永世令孔景宣復叛義興兵至延陵

內外憂危咸

欲奔散兗州刺史殷孝祖帥文武二千人

還建康並僉

楚壯士人情大安宋書孔覲傳時永世令

還建康並僉

楚壯士人情大安宋書孔覲傳時永世令

還建康並僉

楚壯士人情大安宋書孔覲傳時永世令

孔景宣復反柵縣西江峴山斷遏津徑杜敬真陸攸之
溧陽令劉休文攻景宣別若永世人徐宗之率鄉里起
義攻斬景宣

丹陽

舊唐志宣州當塗縣漢丹陽縣地晉分丹陽置於湖縣
州郡志東晉割丹陽之於湖爲淮南郡成帝時以江北當塗縣流人寓居

于湖乃改爲當塗縣牛渚山在縣北四十里大江中

元和志採石戍在縣西北三十五里西接烏江北連建
業在牛渚山上與和州橫江渡相對隋賀若弼從此渡
博望山在縣西三十五里與和州對岸江西岸曰梁山
九井山在縣南十里龍山在縣東南十二里桓溫九日
登此宴集慈湖在縣北六十五里吳將卞融於此吳志
屯兵通典今縣城卽晉姑熟城下湖故城在縣南吳志

呂範傳下小丹陽湖孰

縣名同郡故加小沛猶沛國沛縣稱小沛

江表傳曰

策渡江攻劉繇牛渚營盡得邸閣糧穀戰具周瑜傳以

瑜恩信著於廬江出備牛渚全綜傳出屯牛渚注長子

緒牛渚督濮陽興傳永安三年都尉嚴密建丹陽湖田

作浦里塘

元和志丹陽湖在縣東南七十九里周迴三百餘里與溧水縣分湖爲界

天紀三

年晉命安東將軍王渾揚州刺史周浚向牛渚

通鑑太康元年

吳主聞王渾南下使丞相張悌督丹陽太守沈瑩護軍

孫震副軍師諸葛靚帥眾三萬渡江逆戰至牛渚沈瑩

曰晉治水軍於蜀久矣上流諸軍素無戒備名將皆死

幼少當任恐不能禦也晉之水軍必主於此宜畜眾力

以待其來與之一戰若幸而勝之江西自清今渡江與

晉大軍戰不幸而敗則大事去矣悌曰吳之將亡賢愚

所知非今日也吾恐蜀兵至此眾心驚懼不可復整及

今渡江猶可決戰若其克捷兵勢萬倍便當乘勝南上

逆之中道不憂不破若如子計恐士眾散盡坐待敵到
君臣俱降無一人死難者不亦辱乎三月梯等濟江圍
渾部將城陽都尉張喬於楊荷眾纔七千閉柵請降
諸葛靚欲屠之梯曰強敵在前不宜先事其小且殺降
不祥靚曰此屬以救兵未至力少不敵故作僞降以緩
我師非真伏也若捨之而前必爲後患梯不從梯與揚
州刺史周浚結陣相對沈瑩帥丹陽銳卒刀楯五千號
青巾兵三衝晉軍不動營引退其眾亂將軍薛勝蔣班
因其亂而乘之吳兵以次奔潰張喬自後擊之大敗吳
兵於板橋諸葛靚過迎張梯梯不肯去靚自往牽之梯
垂泣曰仲思今日是我死日也以身殉社稷復何道耶
靚再三牽之不動乃流淚放去行百餘步顧之已爲晉
兵所殺晉書陳敏傳遺弟閔爲歷陽太守戊午渚明帝紀

王敦下屯于湖敦將舉兵內向帝密知之乃乘巴滇駿
馬微行至于湖陰察敦營壘而出有軍士疑帝非常人
又敦正晝寢夢日環其城驚起曰此必黃鬚鮮卑奴來

也

帝母荀氏燕代人帝狀類外氏鬚黃故敦謂帝云

使五騎物色追帝帝亦馳

去

通鑑咸和二年蘇峻使其將韓晃張健等襲陷姑熟取鹽米京師戒嚴使右將軍司馬流將兵據慈湖以

拒峻韓晃襲流于慈湖流素懦怯將戰食炙不知口處兵敗而死峻帥祖渙許柳等眾二萬人濟自橫江登牛

渚軍於陵口桓溫傳鮮卑攻洛陽陳祐出奔簡文帝時

輔政會溫於洌洲議征討事溫移鎮姑熟

後終於姑熟

桓冲

傳自京口遷鎮姑熟毛穆之傳假節鎮姑熟穆之以爲

成在近畿無復軍警不宜加節上疏辭讓詔許之庾楷

傳詔使譙王尙之討楷楷遣汝南太守段方逆戰於慈

湖方大敗被殺

通鑑隆安二年譙王尙之大破庾楷于牛渚楷單騎奔桓玄玄大破之官軍于

白石玄與楊佺期追至橫江尙之退走

桓元傳玄出鎮姑熟諷帝禪位百

官到姑熟勸進劉毅傳詔以毅爲都督豫州揚州五郡

諸軍事

下文毅討虜循以舟師二萬發姑孰則知毅鎮姑熟初桓玄於南州卽姑熟

起齋悉畫盤龍於其上號爲盤龍齋毅小字盤龍至是

遂居之通鑑孝建元年南郡王義宣反命撫軍將軍柳

元景統豫州刺史王玄謨等以討義宣進據梁山洲於

兩岸築偃月壘

卽不臧質所攻東西壘

水陸待之義宣至尋陽以

臧質爲前鋒魯爽亦引兵直趣歷陽與質水陸俱下質

至梁山夾陳兩岸與官軍相拒柳元景軍於采石王玄

謨以質眾盛遣使來求益兵上使元景屯兵姑熟

宋書桓護

之傳玄謨求救甚急上遣元景等進据南州護之水軍

先發賊遣將龐法起率眾襲姑熟適護之鄭琨等至奮

擊大破之柳元景傳玄謨遣司馬管法濟求益兵元景使將武念前進質遣將龐法起襲姑熟值念至擊破之此與垣護之傳同時同事元景傳後方云質攻太傅義陷西壘通鑑敘此事於攻克西壘之後稍乖

恭與義宣書曰

書詳義宣傳

往時仲堪假兵靈寶尋害其族

孝伯推城牢之旋踵而敗賊質少無美行弟所具悉今藉西楚強力圖濟其私凶謀若果恐非復池中物也義宣由此疑之義宣至蕪湖質進計曰今以萬人取南州則梁山中絕萬人綴梁山玄謨必不敢動下官中流鼓棹直趣石頭此上策也劉湛之言於義宣曰質求前驅此志難測不如盡銳攻梁山事克然後長驅此萬安之計義宣乃止穴從僕射胡子反等守梁山西壘會西南

風急質遣其將尹周之攻西壘子反方度東岸就玄謨

計事聞之馳歸偏將劉季之殊死戰求救于玄謨遣參

軍崔勳之與積弩將軍垣詢之皆戰死

臧質傳無垣詢之垣謨之傳詢

之梁山之役力戰中流矢死

子反等奔還東岸質又遣其將龐法起

趨南浦欲自後掩玄謨游擊將軍垣謨之引水軍與戰

破之

據護之傳已加輔國將軍

王玄謨使護之告急于柳元景曰西

城不守惟餘東城萬人賊軍數倍强弱不敵欲退還姑

孰就節下協力當之更議進取元景不許曰賊勢方盛

不可先退吾當卷甲赴之護之曰賊謂南州有三萬人

而將軍麾下纔十分之一若往造賊壘則虛實露矣王

豫州必不可來不如分兵援之元景乃留羸弱自守悉遣精兵助玄謨多張旗幟梁山望之如數萬人眾心乃安質自請攻東城參軍顏樂之說義宣曰質若復克東城則大功盡歸之矣宜遣麾下自行義宣乃遣劉湛之與質俱進義宣至梁山頓兵西岸玄謨督諸軍大戰薛安都帥突騎先衝其陣東南陷之斬湛之首劉季之宗越又陷其西北質等兵大敗垣護之燒江中舟艦煙焰處覆水延及西岸營壘殆盡義宣兵潰單舸迸走閉戶而泣荊州人隨之者猶百餘舸質欲見義宣計事而義宣已去質不知所爲其眾皆降散亦走

故鄣

舊唐志宣州廣德縣漢故鄣縣宋分宣城之廣德吳興

之故鄣置綏安縣

州郡志分廣德故鄣長城及陽羨義鄉五縣立綏安屬義興郡至德

二年改爲廣德以縣界廣德故城爲名

州郡志廣德疑是吳所立又靈

帝中平二年分故鄣立原鄉安吉二縣隋志平陳省廣德故鄣安吉原鄉四縣入綏安縣

元和志湖

州安吉縣漢故鄣縣地水經注南江又東逕故鄣縣南

安吉縣北光和之末天下大亂此鄉保險守節漢朝嘉

之中平二年分故鄣之南鄉以爲安吉縣南江又東北

爲長瀆歷湖口東注具區吳志朱治傳時丹陽深地頻

有姦叛亦以年向老思戀土風自表屯故鄣鎮撫山越

治故鄣人晉書王舒傳賊韓晃旣破宣城轉入故鄣長城尤

之遣朱燾何準等擊之戰於于湖潭以强弩射之晃等

退走

赤烏十三年廢太子和處故鄣

於潛

元和志杭州於潛縣本漢舊縣又唐山縣漢於潛縣地

萬歲通天元年置舊潛字無水至隋加水寰宇記闕駟

十三州志潛讀爲潛俗出好布吳寶鼎元年割屬吳興

即水經注桐溪水出吳興郡於潛縣北天目山山極高

峻東面有瀑布下注數畝深潭南臨逕縣西爲西溪溪

水又南與紫溪合水出縣西百丈山卽潛山也山水東

南流名爲紫溪中道夾水有紫色磐石長百餘丈望之

如朝霞又名此水為赤瀨蓋以倒影在水故也晉書顧
興內史虞潭將姚休與賊戰沒眾還守紫壁時賊黨方
銳義軍沮退人咸勸賊過州江眾曰今保固紫壁可得
全錢唐以南五縣若越他境便
為萬軍控引無所非長計也

涇

通典宣州涇縣漢舊縣故城在今縣東南

州郡志宣城

立不言所分之縣舊唐志池州青陽縣治古臨城元和
志青陽縣本漢涇縣地吳分涇縣置臨城天寶元年于
臨城縣
南置
元和志宣州太平縣本涇縣地天寶元年割涇

縣西南十四鄉置永泰初又分太平置旌德縣水經注

南江又東逕宣城之臨城縣南又東合涇水

吳徐盛討

山賊又賜臨城縣為奉邑

太史慈傳慈當與劉繇俱奔豫章而遁於

蕪湖亡入山中稱丹陽太守是時策已平定宣城以東
惟涇以西六縣未服慈因進住涇縣立屯府大爲山越
所附策躬自攻討遂見囚執晉書桓彝傳蘇峻之亂宣
城內史桓彝以郡無堅城退據廣德尋王師敗績彝聞
而慷慨流涕進屯涇縣時州郡多遣使降峻長史裨惠
勸彝僞與通和彝曰吾受國恩義在致死焉能忍垢蒙
辱與醜逆通問如其不濟此則命也遣將軍俞縱守蘭
石旌德縣北峻遣將韓晃攻之縱將敗左右勸縱退軍縱曰
吾受桓侯厚恩本以死報吾之不負桓侯猶桓侯之不
負國也遂力戰而死晃進軍攻彝城陷爲晃所害

歙

通典歙州歙縣漢舊縣又休甯縣晉海甯縣即休甯縣元和

志婺源縣本休甯縣西南界開元二十六年平妖賊洪

氏置又績溪縣大歷二年分歙縣置舊唐志永徽五年分置北野後改爲

績溪寰宇記廢北野城在縣北二十五里永徽五年睦州女子陳碩貞作亂縣人蔣寶舉兵應之事平置縣於

合五山上又睦州遂安縣清溪縣皆漢歙縣地清溪吳水經始新縣

注浙江北逕歙縣東又東逕遂安縣南溪廣二百步上

立杭相通水甚清深潭不掩鱗故名新定晉太康中改

從今名浙江又左合絕溪溪水出始新西東逕縣故城

南爲東西長溪溪有四十七瀨吳志賀齊傳建安十三

年討丹陽黥歙賊帥金奇萬戶屯安勒山毛甘萬戶

屯烏聊山黥帥陳僕祖山等二萬戶屯林厯山

元和志布射山

一名勒山在歙縣北二十里烏聊山在縣東三百步林上有毛甘故城林厯山在黥縣西南一百五十里

厯山四面壁立高數十丈徑路危狹不容刀楯賊臨高

下石不可得攻軍住經日將吏患之齊身出周行觀視

形便陰募輕捷士爲作鐵戈密於隱險賊所不備處以

戈拓斬山爲緣道夜令潛上乃多縣布以援下人得上

數百人俱鳴鼓角齊勒兵待之賊夜聞鼓聲四合謂大

軍悉已得上驚懼守險者皆走還依眾大軍因是得上

大破僕等其餘皆降陳表傳諸葛恪領丹陽太守討平

山越與恪參勢以表領新安都尉

黝

元和志歙州黝縣漢舊縣說文黝字從黑旁多後傳誤

遂寫黝字又祁門縣漢黝縣南境永泰元年置吳志蔣

欽傳賀齊討黝賊欽督萬兵與齊并力黝賊平定

江表傳吳

郡太守陳瑋陰圖襲策遣都尉萬濱等密渡江使持印

傳三十餘紐與丹陽宣城涇陵陽黟歙諸險縣大帥祖

陵陽

舊唐志武德八年南陽安吳二縣廢入涇縣按隋志平

陳省安吳南陽二縣入涇南陽卽廣陽

隋諱廣字

廣陽卽陵

陽也又按元和志池州石埭縣永泰二年割秋浦青陽

涇三縣於吳陵陽城五里置陵陽山在縣北三十里則

石埭縣為漢陵陽縣地寰宇記於石埭縣下致為外誤水經注旋溪水

出陵陽山下逕陵陽縣西縣人陽子明釣得白龍處晉

咸康四年改曰廣陽縣州郡志避杜皇后諱吳志呂範傳從攻

祖郎於陵陽太史慈於勇里孫輔傳注曰袁術深怨策乃陰遣間使齎印殺於丹

陽宗帥陵陽祖郎等使激動山越大合眾共攻策策自率將士討郎生獲之策謂郎曰爾昔襲擊孤斫孤馬鞍

今創軍立事惟取能用與天下通耳非但汝汝莫恐怖郎叩頭謝罪郎破械賜衣服署門下賊曹及軍還郎與

太史慈俱在前導人以為榮

蕪湖

通典漢蕪湖縣故城在今宣州當塗縣東南以史傳証之蕪湖當

北在西寰宇記太平州蕪湖縣偽唐割宣城當塗二縣復

置按州郡志淮南郡之襄垣定陵浚道三縣俱割蕪湖

浚道入宣城吳志陸遜傳遜部伍東三郡强者爲兵羸

者補戶得精卒數萬人還屯蕪湖魏志曹休傳孫權遣

之別遣兵渡江燒晉書王敦傳敦至蕪湖上表罪狀刁

協庾亮傳亮求外鎮自效出爲豫州刺史領宣城內史

鎮蕪湖庾亮又寶傳溫嶠未能破賊侃欲率眾南還

寶謂嶠曰下官能留之乃往說侃曰公本應領蕪湖領

爲住爲南北勢援前旣已下勢不可還且軍政有進無退

非直整齊三軍示眾必死而已亦謂退無所據終至滅
亡往者杜弢非不强盛公竟滅之何至於峻獨不可破
耶賊亦畏死非皆勇健公可試與寶兵使上岸斷賊資
糧出其不意使賊困蹙若寶不立効然後公去人心不
恨殷仲堪傳王恭復與豫州刺史庾楷舉兵討江州刺
史王愉及譙王尚之等玄等至石頭仲堪至蕪湖忽聞
王恭已死劉牢之反恭領北府兵在新亭玄等三軍失
色無復固志乃迴師

宋書劉義宣傳上先遣豫州刺史王玄謨屯梁山洲柳元景據姑熟

義宣屯蕪湖按此則蕪湖在姑熟之上

秣陵

通典潤州上元縣本秣陵縣

元和志晉故臺城在縣東北五里建康故城在縣南

十里石頭城在城西四里吳大帝修築有戍東府城在縣東七里其地西則簡文帝為會稽王時邸第東則丞相會稽王道子府謝安薨道子代領揚州仍前府舍故

秣陵為東府而謂揚州廨為西州秣陵故縣在縣東南四里

州郡志孫權改秣陵為建業吳平還為秣陵太康三

年分秣陵之水北為建業

寰宇記淮水北為建業水南為秣陵

後避愍帝

諱改為建康秣陵本治去京邑六十里今故治村是也

義熙九年移治京邑又太康元年分秣陵立臨水縣二

年更名江甯

寰宇記唐乾元元年置昇州上元二年復為上元縣光啟三年復為昇州天祐十四

年為金陵府析上元南十里九鄉割當塗之北二鄉徙置江甯縣即上元縣為理所上元移在舊司會府

志江表傳曰彭城相薛禮下邳相杵融依劉繇為盟主

禮據秣陵城融屯縣南策先攻融融出兵交戰斬首五

百餘級融即閉門不敢動因渡江攻禮禮突走上云融

則同在江南不須渡江周瑜傳建安十六年權徙治秣

陵明年城石頭改秣陵為建業黃龍元年權自武昌遷

都建業張紘傳紘建計宜出都秣陵江表傳劉備之東

同遂都焉呂範傳權都武昌拜範建威將軍領丹陽太

守治建業督扶州以下至海拜揚州牧吳書曰權嘉陸

遜功德欲殊顯之雖為上將軍列侯欲令歷本州舉命

乃使揚州牧呂範就辟別駕從事舉茂才按範治建業

進為州牧則吳之揚州治建業蕭晉書王濬傳將至秣

陵王渾遣信要令暫過論事濬揚帆直指渾傳云直指三山

曰風利不得泊也周浚傳拜揚州刺史吳平移鎮秣陵

元帝紀永嘉初用王導計始鎮建業通鑑永昌元年王
敦將至帝使劉隗軍金城周札守石頭敦欲攻劉隗杜
弘言於敦曰劉隗死士眾多未易可克不如攻石頭周
札少恩兵不爲用攻之必敗札敗則隗自走矣敦從之
以弘爲前鋒攻石頭札果開門納弘敦據石頭歎曰吾
不復得爲盛德事矣

此後敦還屯武昌大
寧元年下屯於湖

大寧元年明

帝討敦王含等水陸五萬奄至江寧南岸人情恟懼溫
嶠移屯水北燒朱雀桁以挫其鋒含等不得渡帝帥諸
軍出屯南皇堂夜募壯士遣將軍段秀等帥甲卒千人
渡水掩其末備戰於越城

元和志在上元縣南六
里本東顧越王所築

大破

之斬其前鋒將何康敦聞含敗大怒曰我兄老婢耳門

戶衰世事去矣咸帝咸和三年蘇峻至蔣陵覆舟山元和

志縣東北十里鍾山陶回謂庾亮曰峻知石頭有重戍

不敢直下必向小丹陽南道步來宜伏兵邀之可一戰

擒也亮不從峻果自小丹陽來迷失道夜行無復部分

亮乃悔之按陶回傳只言峻將至回謂庾亮云云此蓋指峻發自姑熟未至秣陵時也故回傳云由

小丹陽經秣陵迷失道寰宇記故秣陵縣在江寧縣南五十五里此敘於至蔣陵之下非峻聞西方

兵起用參軍賈盭計自姑熟還據石頭分兵拒侃等逼

遷帝於石頭使懷德令匡衡守苑城按後為臺城郗鑒率眾渡江鑒時領徐州

與侃囑會於茄子浦寰宇記茄子洲在江寧縣西十三里周迴十二里侃等舟

師直指石頭至於蔡州

元和志蔡州上元縣西十二里江中

庾亮遣督護

王彰擊峻反爲所敗亮送節傳以謝侃侃答曰古人三

敗君侯始二今事不宜數爾諸軍屢戰無功監軍部將

李根請築白石壘

寰宇記鄆城本名白石壘在上元縣西北十八里

侃從之夜

築壘至曉而成使庾亮以二千人守白石郭默守京口

大業韓晃張健等急攻之陶侃將救大業長史殷融曰

吾兵不習步戰救而不捷大事去矣不如急攻石頭則

大業自解侃從之督水軍向石頭庾亮溫嶠趙胤等帥

步兵萬人從白石南上欲挑戰峻遣子碩及將匡孝先

薄趙胤軍敗之峻乘醉望見胤走因舍其眾與數騎北

下突陳不得入將回趨白水陂馬躡侃部將彭世李千

等投之以矛斬首嚙割之焚其骨三軍皆稱萬歲

峻傳匡術

以苑城降

四年諸軍攻石頭建威長史滕含擊蘇逸大破之

斬逸司徒導入石頭令取故節陶侃笑曰蘇武似不如

是導有慚色元興三年桓玄使桓謙何澹之屯東陵卞

範之屯覆舟山眾合二萬劉裕進至覆舟山東使羸弱

登山張旗幟爲疑兵數道並前布滿山谷玄偵候者還

云裕軍四塞不知多少玄益憂恐謙等士卒多北府人

素畏伏裕莫有鬪志裕與劉毅等分爲數隊進突謙陳

裕以身先之皆殊死戰東北風急因縱火焚之煙炎煙

天謙等諸軍大潰玄雖遣軍拒裕而走意已決潛使領軍將軍殷仲文具舟於石頭聞謙等敗西趨石頭與仲文等浮江南走義熙六年徐道覆聞劉裕北伐勸盧循乘虛襲建康朝廷急徵裕裕至山陽聞何無忌敗死慮京邑失守卷甲兼行夏四月至建康發民治石頭城議者謂宜分兵守津要裕曰賊眾我寡若一處失利則沮軍心今聚眾石頭隨宜應赴既令彼無以測多少又於眾力不分若徒旅轉集徐更論之耳朝廷聞劉毅敗人情恟懼時北師始還將士多創病建康戰士不盈數千循既克二鎮戰士十餘萬舟車百里不絕樓船高十二

丈孟昶謂裕必不能抗循欲奉乘輿過江固請不已裕
曰今重鎮外傾強寇內逼人情危駭莫有固志若一旦
遷動便至土崩瓦解江北亦豈可得至設令得至不過
延日月耳今兵士自足一戰若其克濟則臣主同休苟
厄運必至我當橫尸廟門遂其由來以身許國之志不
能竄伏草閒苟求存活也我計決矣卿勿復言昶以爲
必敗仰藥而死盧循至淮口裕屯石頭謂將佐曰賊若
於新亭直進其鋒不可當勝負之事未可量也若迴岸
泊西岸此成擒耳徐道覆請於新亭至白石焚舟而上
數道攻裕循欲以萬全爲計道覆以循多疑少決乃歎

曰我終爲盧公所誤事必無成使我得爲英雄馳驅天下不足定也裕登石頭城望循軍初見引向新亭顧左右失色旣而迴泊蔡洲乃悅於是眾軍轉集裕恐循侵軼用虞臣進計伐樹柵石頭修治越城築查浦藥園廷尉三壘皆以兵守之晉書盧循傳循攻柵不利船艦爲暴風所損列陣南岸戰又敗績乃進攻京口寇掠諸縣無所得循謂道覆曰師老矣弗能復振可據尋陽并力取荊州徐更與都下爭衡因自蔡洲南走

湖熟

元和志湖熟故縣在上元縣東南七十里

州郡志吳省爲典農都尉

太康元年復立九域志江寧府上元縣有湖熟鎮

吳志江表傳策破劉繇別將

於海陵轉攻湖熟江乘皆下之朱據傳拜建議校尉領
兵屯湖熟晉書毛寶傳寶燒蘇峻句容湖熟積聚峻頗
之食

句容

寰宇記昇州句容縣本漢縣

元和志竹里山在縣北六十里王塗所經塗甚傾險

行者號爲翻車峴

吳志赤烏八年遣校尉陳勳將屯田及作士

三萬人鑿句容中道自小其

其一作辛

至雲陽西城通會市

作邸閣晉書王恭傳上表以討王愉譙王尚之兄弟爲

詞朝廷使元顯王珣謝琰等拒之恭寢牢之坐其處旦

謂牢之曰事克卽以卿爲北府遣牢之率帳下督顏延

先據竹里元顯使人說牢之咬以重利牢之乃斬顏延
以降劉牢之傳行至竹里背恭歸順通鑑元興三年劉裕帥二州之眾

江乘

寔字記句容縣有江乘城又臨沂縣城在上元縣西北

三十里州郡志江乘吳省爲典農都尉太康元年復立

又南瑯琊郡瑯琊國人隨元帝過江千餘戶大興三年

立懷德縣於丹陽雖有瑯琊相而無地咸康元年桓溫

領郡鎮江乘之蒲洲金城求割江乘縣境立郡又分江

乘立臨沂縣寔字記瑯琊城在上元縣東北六十里王

隱晉書云江乘南岸蒲吳志魏文帝出廣陵望大江

洲津有城卽瑯琊城晉紀曰吳人臨江爲疑城自石頭至於江乘車以木植

衣以葦席加采飾焉一夕而成魏人自江西望甚憚之

徐盛傳盛建計從建業築圍作薄落圍上設晉書陳敏
假樓江中浮艫文帝望圍愕然瀾漫數百里

傳甘卓背敏敏率萬餘人將與卓戰未獲濟顧榮以白

羽扇麾之敏眾潰單騎東奔至江乘爲義江所斬孔坦

傳蘇峻挾天子幸石頭坦奔陶侃侃引爲長史時侃等

夜築白石壘

實字記白石壘在江乘縣界後移鄆鄆郡居之卽故白下縣城上元縣西北十四里

至曉而成聞峻軍嚴聲威懼坦曰不然若峻攻壘必須

東北風急令我水軍不得往救今天清靜賊必不動決

遣軍出江乘掠京口以東矣果如所籌桓玄傳劉裕率

義兵至竹里塢頓丘太守吳甫之右衛將軍皇甫敷北

拒義軍

通鑑裕軍與吳甫之遇於江乘甫之玄驍將也其兵甚銳裕手執長刀大呼以衝之眾皆披靡

卽斬甫之進至羅落橋皇甫數率數千人逆戰甯遠將軍檀憑之敗死裕進戰彌厲數圍之數重裕倚大樹挺戰數日汝欲作何死拔戟將刺之裕嘆曰叱之數辟易裕黨尋至射數中額而踣裕援刀直進數曰君有天命以子孫爲託裕斬之而厚撫其孤又外戚傳褚裒都督兖州徐州之瑯琊諸軍事鎮金城此金城卽沈志江乘之金城也

春穀

舊唐志宣州南陵縣漢春穀縣地梁置南陵縣舊治赭

圻城長安四年移理青陽城

元和志一百五十里赭圻故城在縣西

縣西北一百三十里寰宇記晉後省并干湖縣梁置南陵郡并縣隋志平陳廢郡存縣

吳志程普

討陵陽春穀諸賊皆破之

周瑜領春穀長

晉書桓溫傳召溫入

參朝政溫至赭圻城而居之固讓內錄宋書劉鍾傳盧

循先畱別帥范宗民以精兵高艦據南陵夾兩岸鍾自行覘賊天霧賊鉤得其舸鍾因率左右攻艦戶賊遽閉戶拒之鍾乃徐還與王仲德攻崇民崇民敗走追討百里燒其舩乘通鑑泰始元年袁顗至襄陽奉表勸晉安王子勛卽大位二年中外戒嚴以建安王休仁都督征討諸軍事江州刺史王玄謨副之玄謨傳賜諸葛亮箭袖鎧休仁軍於南州以沈攸之爲尋陽太守將兵屯虎檻虎檻洲在梁山洲西薛常寶陳紹宗焦度等兵一萬爲前鋒據赭圻赭圻東北鄧琬琬傳子勛以爲左將軍尙書右僕射遣孫冲之率龍驤將軍子勛書曰舟楫已辦糧仗亦整三軍踴躍人爭效命便

欲沿流挂帆直趨白下願速遣陶亮眾軍兼行相接分

據新亭南洲則一麾定矣子助加冲之左衛將軍以陶

亮爲右衛將軍統荆郢湘梁雍五州兵合二萬人一時

俱下陶亮本無幹略聞建安王休仁自上殷孝祖又至

不敢進屯軍鵲洲

元和志鵲頭鎮在南陵縣西一百十里春秋楚伐吳敗於鵲岸沿河入十

里有鵲尾洲

孝祖眾軍進攻赭圻陶亮等引兵救之孝祖中

流矢死軍主范潛降於亮休仁遣甯朔江方興龍驤劉

靈遣各將三千人赴赭圻

沈攸之傳攸之以爲孝祖既死賊有乘勝之心明日若不

更攻則示之以弱方興名位相亞必不爲已下軍政不

一致敗之由乃帥諸軍主詣方興曰詰朝之事諸人咸

謂吾應統之自卜幹略不辨今

推卿爲統相與戮力方興甚悅

孫冲之謂陶亮曰孝祖

梟將也一戰便死天下事定不須復戰便當直取京都

亮不從方興帥諸將進戰休仁又遣軍主郭季之鄧琬傳休

仁遣馬步三步兵校尉杜幼文屯騎校尉垣恭祖龍驤

將軍濟地頓生琬傳無濟地二字此誤段佛榮等三萬人會戰自

寅及午大破之追北至姥山而反寰宇記慈姥山在甯

省曰巢湖孫冲之于湖白口築二城軍主張興世攻拔

之陶亮聞湖白二城不守大懼急召孫冲之還鵲尾留

薛常寶守楮圻先於姥山及諸岡分立營砦亦各散還

共保濃湖琬傳濃湖即在鵲尾鄧琬遣其豫州刺史劉胡帥眾三

萬東屯鵲尾并舊兵凡十餘萬吳喜既定三吳帥所領

五千人并運資實至於赭圻

琬傳喜於戰鳥山築壘分遣千人乘輕舸二百與彼

長生爲

攸之率諸軍圍赭圻

攸之傳代孝祖督前鋒諸軍

薛常寶等

糧盡告劉胡求救胡以囊盛米繫流查及船腹陽覆船

順風流下以餉之沈攸之疑其有異遣人取舩及流查

得囊米劉胡帥步卒一萬夜斫山開道以布囊運米餉

赭圻平旦至城下猶隔小塹未能入沈攸之帥諸軍邀

之殊死戰胡軍大敗捨糧棄甲緣山走胡被創僅得還

營常寶等惶懼開城突圍走還胡軍攸之拔赭圻城斬

其甯朔將軍沈懷寶等陳紹宗單舸奔鵠尾建安王休

仁自虎檻進屯赭圻

琬傳劉胡遣陳紹宗陳慶率輕艦二百大檻五十出鵠外挑戰吳喜

張興世倭長生等擊之喜支軍主吳鄧琬以劉胡與沈
獻之飛舸衝突摧陷追至鵲裏而還鄧琬以劉胡與沈
攸之等相持久不決琬傳沈攸之等與劉胡相持久不
兵繼至攸之治船材不周計無所出會琬送五千片榜
供胡軍俄而風潮奔迅突柵出江赴流而下來泊攸之
等營於是材板大足袁顗乃加袁顗都督征討諸軍事
率樓船千艘來入鵲尾顗本無將略性又怯撓在軍中未嘗戎服賦詩談義不
復撫接諸將劉胡每論事酬對甚簡由此大失人情胡
常切齒恚恨諸軍與袁顗相拒未決龍驤將軍張興世
建議曰賊據上流兵強地勝我雖持之有餘而制之不
足若以奇兵數千潛出其上因險而壁見利而動使其
首尾周遑進退疑沮中流旣梗糧運自艱此制賊之奇

也錢溪江岸既狹去大軍不遠下臨洄湫舩下必來泊岸又有橫浦可以藏舩千人守險萬夫不能過衝要之地莫出於此沈攸之吳喜并贊成出選戰士七千輕舩二百配興世興世帥其眾沂流稍上尋復退歸如是者累日劉胡聞之笑曰我尙不敢越彼下取揚州張興世何物人欲輕據我上不爲之備一夕四更值便風興世舉帆直前渡湖白過鵲尾胡既覺乃遣其將胡靈秀將兵於東岸翼之而進興世宿景洪浦張興世傳作景江浦潛遣其將黃道標帥七十舩逕趨錢溪立營寨興世進據之靈秀不能禁劉胡自將水步二十六軍來攻錢溪將士欲

迎擊之興世禁之曰賊來尙遠氣盛而矢驟驟既易盡
盛亦易衰不如待之令將士治城如故俄而胡船入洄
湫興世命壽寂之任農夫帥壯士數百擊之眾軍繼進
胡敗走收兵而下時興世城寨未固建安王休仁慮袁
顥并力更攻錢溪欲分其勢命沈攸之等以皮艦進攻
濃湖斬獲千數是日劉胡帥眾軍欲更攻興世袁顥以
濃湖之急遽追之錢溪城由此得立沈攸之傳胡遣人
傳唱錢溪已平眾
并懼攸之曰不然若錢溪實敗萬人中應有逃亡得還
者必是彼戰失利唱空聲以惑眾耳勒軍中不得妄動
錢溪信尋至攸之以錢溪所興世既據錢溪濃湖軍乏
送胡軍耳鼻示之顥駭懼
食鄧琬大送資糧畏興世不敢進劉胡帥輕舸四百由

鵲頭內路欲攻錢溪旣而謂長史王念叔吾少習步戰
未閑水鬪若步戰恒在數萬人中水戰在一舸之上舸
舸各進不復相關非萬全之計吾不爲也乃託瘧疾住
鵲頭不進遣龍驤陳慶將三百舸向錢溪戒慶不須戰
興世吾之所悉自當走耳陳慶至錢溪軍於梅根元和志梅
根監在南陵縣西顓怒胡不戰謂曰糧運艱塞當如此
一百三十五里何胡曰彼尚得沂流越我而上此運河以不得沿流越
彼而下耶乃遣安北府司馬沈仲玉將千人步趣南陵
迎糧仲玉至南陵載米三十萬斛錢布數十舫樹榜爲
城規欲突過行至貴口不敢進遣閒信報胡令遣重軍

援接張興世遣壽寂之任農夫等將三千人至貴口擊之仲玉走還顓營悉燒其資實胡眾駭懼胡將張喜來降鎮東參軍劉亮進兵逼胡營胡不能制袁顓懼曰賊入人肝脾裏何由得活琬傳次此事在陳慶向錢溪之前似通鑑爲順胡陰謀遁去誑顓云欲更帥步騎二萬上取錢溪兼下大雷餘運令顓悉選馬配之胡委顓去徑取梅根先令薛常寶辦舩悉簇南陵諸軍燒大雷諸城而走至夜顓方知之大怒罵曰今年爲小子所誤呼取常所乘善馬飛鷲謂其眾曰我當自追之因亦走建安王休仁勒兵入顓營納降卒十萬袁顓傳走至鵲頭與戍主薛伯珍及所領數千人步取青林欲向尋陽顓謂伯珍曰

我舉八州以謀王室未一戰而敗豈非天耶非不能死
欲一至尋陽謝罪主上然後自刎耳伯珍斬頭首詣錢
溪馬軍主俞湛之湛之因
斬伯珍并送首以爲己功

石城

舊唐志池州秋浦縣漢石城縣

隋志秋浦舊曰石城寔
宇記偽吳順義六年改

爲貴池虎林城在縣東北二十五里輿地志吳大帝所
築羅刹洲西自江州彭澤縣界有連石入江名石碑又
有大孤石生於江
中俗謂羅刹洲
元和志池州至德縣本漢石城縣地

至德二年刺史宋若思奏置因年號爲名

寔宇記僞吳
改爲建德

水經注江水自石城東入爲貴口

見宋書張
興世傳

東逕石城

縣北東合大溪溪水首受江北逕其縣故城東又北入

南江南江東與貴長池水合

按此則貴池不以昭明水
太子食魚美而得名

出縣南郎山吳志程普傳徙丹陽都尉居石城

黃蓋傳石城縣

吏特難檢御蓋署兩掾分主諸曹教曰令長不德徒以武功爲官不以文吏爲稱方務軍旅一以文書委付兩掾所署事入諸出若有姦欺終不加以鞭杖宜各盡心無爲眾先久之吏以蓋不視文書漸容人事蓋亦嫌外懈怠時有所省各得兩掾不奉法數事蓋曰前已相敕終不以鞭杖皆加非相欺也遂殺之縣中震慄

孫

休封琅邪王居虎林諸葛恪秉政不欲諸王在濱江兵

馬之地徙休於丹陽郡太平二年朱異自虎林率眾襲

夏口督孫壹

陸胤傳轉左虎林督中左書丞華覈表薦胤曰虎林選督堪之者眾宜召還都處以

上司孫繡傳亮責怒虎林督朱能晉書桓彝傳蘇峻之不匡正孫峻令丁奉殺熊於虎林

亂遣將軍朱綽討賊別帥於蕪湖破之爰尋出石碓

寶字

記輿地志梁大同二年置石埭縣因貴池原有兩小石埭堰溪水遂以爲名陳滅以石埭併入南陵按隋志詛

石康為
石城

廬江郡

晉志魏置安豐郡統安豐雩婁安風蓼松滋五縣州郡

志魏文帝分廬江立安豐郡

魏志王基為安豐太守

又吳立蘄春

郡以尋陽縣屬

按吳志尋陽屬武昌郡沈志非吳又不置蘄春郡

惠帝永興元

年分廬江武昌立尋陽郡按廬江郡吳與魏南北雙置

吳則孫劭呂蒙孫韶徐盛皆為之當治尋陽

寶宇記後漢廬江郡自舒縣徙

居皖按彪志郡亦治舒而吳志孫策襲得廬江太守劉

勳皖城則漢季方移治皖

彪志無松滋縣按吳志陳武廬江松滋人則漢未復置是

縣

舒

通典廬州舒城縣古舒國

寰宇記開元二十三年於故城置舒城縣

吳志周

瑜傳孫堅與義兵討董卓徙家於舒堅子策與瑜同年

友善瑜推道南大宅以舍策升堂拜母魏志臧霸傳屯

舒權軍數萬人乘船屯舒口分兵救陳蘭聞霸軍在舒

遁還霸夜追之賊前後擊之赴水者甚眾諸葛恪乞率

眾佃廬江皖口因輕兵襲舒掩得其民復遠遣斥堠觀

相徑要欲圖壽春

晉書宣帝紀吳遣將諸葛恪屯皖邊鄙苦之帝欲自擊恪議者多以賊據

堅城積穀欲引致官兵懸軍遠攻其救必至進退不易未見其利帝曰賊之所長者水也今攻其城以觀其變

若用其所長棄城奔又此爲廟勝也若敢固守湖水冬淺船不得行勢必棄水相救由其所短亦吾利也督諸

軍次於舒恪焚燒積聚棄城而遁按恪傳宣王謀欲攻恪權方發兵應之望氣者以爲不利於是徙恪屯於柴桑參晉書之言殆欲虛美歸於晉也

雩婁

按其地當在壽州安豐縣西南霍山縣界水經注大別

山俗謂之爲檀公峴蓋大別之異名也決水厯山委注

而絡雩婁縣地道記云在安豐縣之西南

豐字記決水出霍山縣版

石山按其縣道元時已

州郡志邊城左郡領雩婁縣

非

漢舊又水經注灌水導源廬江金蘭縣西北東陵縣大別山卽淮水也許慎日出雩婁縣按南北地志皆無金蘭縣又以灌水卽通鑑建安十四年孫權圍合肥曹操淮水殆不可曉

遣將軍張喜將兵解圍久而未至揚州別駕蔣濟密白

刺史僞得喜書云步騎四萬已到雩婁遣主簿迎喜三部使齎書語城中守將一部得入城二部爲權兵所得權信之遽燒圍走宋書薛安都傳魯爽使弟瑜率三千人出小峴爽尋以大衆阻大峴臧質軍久不至爽軍甚少引退沈慶之使安都率輕騎追之及爽於小峴爽自與腹心壯騎斷後譚金先薄之不能入安都望見爽便躍馬大呼直往刺之應手而倒左右范雙斬爽首殷琰傳劉劭進軍小峴合肥戍主南汝陰太守州郡志南汝陰郡即漢合肥薛元寶委郡奔子勛寰宇記大峴山在和州縣西北十三里

尋陽

通典漢尋陽舊縣在江北今蘄州界晉溫嶠移於江州

水經注江水東逕積布山南俗謂之積布磯此卽西陽

尋陽二郡界

元和志積布山在蘄州廣濟縣南一百里俗謂之積布磯

江水又東左

得青林口水出廬江郡之東陵鄉西南流水積爲湖湖

西有青林山又西南厯尋陽分爲二水一水東流爲大

雷一水西南流注於江吳志周瑜傳復進尋陽破劉勳

呂蒙傳拜偏將軍領尋陽令又以尋陽陽新爲奉邑晉

書王渾傳大舉伐吳渾率師出橫江遣參軍陳愼都尉

張喬攻尋陽瀨鄉又擊吳牙門將孔忠皆破之

吳志太子登鎮

武昌弟慮卒登晝夜兼行到瀨鄉自聞則江道所由應在尋陽華軼傳元帝遣揚烈將

軍周訪率眾屯彭澤以備軼訪過姑熟見著作郎干寶
曰大府受分卽屯彭澤彭澤江州西門也華彥夏有憂
天下之誠而不欲碌碌受人控御頃來紛紜粗有嫌今
又無故以兵守其門將成其釁吾當屯尋陽故城旣在
江西可以扞禦北方又無嫌於相逼也

按如訪所云則尋陽已移治所

周訪傳訪領兵屯尋陽鄂陵與甘卓趙誘討軼溫嶠傳
咸和初代應詹爲江州刺史陳豫章十郡之要宜以刺
史居之尋陽濱江都督應璩其地蘇峻反嶠屯尋陽有
眾七千灑泣登舟

彪志尋陽南有九江宋曾旼曰阮漸无辰敘西湘資澧水皆合洞庭中東

入於江是爲九江胡渭曰後世旣不知洞庭爲九江見尋陽江中多沙水相間處遂指其九派而導山導江之

潛

文義皆不可通山海經澧沅瀟湘在九江之間賴此一語可以推尋按如上所云諸水皆流入於湘而爲洞庭湖在湖口只一湘水尤不可以爲尋陽之九派竊意仍從舊說爲近之又按班志于豫章郡所目鄱餘修塗時蜀南彭入水皆入湖漢水湖漢水至彭澤入江則九江或並指在豫章郡之水猶勝於澧沅瀟湘之說

通典壽州霍山縣漢潛縣

寰宇記開寶四年廢入六安縣

魏志張遼傳

陳蘭梅成以潛六縣叛

潛刊本訛爲氏据通鑑改正

太祖遣于禁臧

霸等討成遼督張郃朱蓋等討蘭成僞降禁遂將其眾

就蘭轉入潞山潞中有天柱山高峻二十餘里道險狹

步徑裁通蘭等壁其上遼欲進諸將曰兵少道險難用

深入遼曰此所謂一與一勇者得前耳遂進到山下安

營攻之斬蘭成盡虜其眾

臨湖

一統志臨湖故城在廬州府無爲州西南州志今爲臨

湖圩在州西南八十里臨壁山下

寰宇記曹操征孫權築城於此攻吳無功

因號爲無爲城本廬州巢縣之無爲鎮太平興國三年改爲無爲軍

龍舒

通典廬州廬江縣漢龍舒縣故城在西

寰宇記縣西一百二十里九域

志廬江縣有東顧山

襄安

隋志廬江郡襄安縣唐改爲巢縣

按此則襄安居巢二縣宋以後并爲一地

九域志無爲縣有襄安鎮王
光魯曰襄安亦今無爲州
吳志孫瑜傳瑜屯牛渚以

永安人饒助爲襄安長無錫人顧連爲居巢長使招納

廬江郡

皖

通典舒州懷寧縣漢皖縣

州郡志晉安帝分廬江立晉熙郡并懷寧縣舊唐志晉於

皖縣置懷寧縣

又宿松望江太湖桐城縣皆漢皖縣地

江水自鄂陵分

爲九派會於宿松縣界洲上三百餘里合流謂之九江
口東得武林洲卽桑落洲之下尾晉大雷戍在望江縣

寰宇記皖水在縣西北壽州霍山縣南流入經縣北五

里又東南流二百四十里入大江謂之皖口大江水在

縣南一百八十里與望江縣分界至皖口南對江州大

雷

池水西自宿松縣界流入望江縣界東南積而爲池謂之雷池又東流經縣南去縣百里東入於江行百里爲大雷口又有小雷口孝子傳曰孟宗爲雷池監作鮮一器以遺母不納桑落洲在宿松縣西南一百九十四里

吳志江表傳曰策與周瑜率二萬人步襲皖城克之得

袁術劉勳妻子表用汝南李術爲廬江太守給三千兵

以守皖

策亡後術不肯事權多納其亡叛權大怒以狀白曹公曰嚴刺史昔爲公所納又用是州舉將揚

州刺史嚴象舉權茂才李術凶惡輕犯漢制殘害州司肆其無道宜速誅滅以懲醜類今欲討之進爲國朝掃除鯨鯢退爲舉將報塞怨仇此天下達義夙夜所甘心術必懼誅復詭說求救明公居阿衡之任海內所瞻顧

術執事勿復聽受是歲舉兵攻術於皖術門自守求

救於曹公公不救糧食乏盡婦女或丸泥而吞之遂屠其城梟

術首 呂蒙傳曹公遣朱光爲廬江太守屯皖大開稻田蒙曰皖田肥美若一收熟彼眾必增宜早除之具陳

休軍至院吳出兵安陸濟曰今賊示形於西必欲并其
圖東宜急詔諸軍往救賈逵傳休戰敗權遣兵斷夾石
諸將不知所出或欲待後軍逵曰休兵敗路絕於內進
不能戰退不得還安危之機不及終日賊以軍無後繼
故至此今疾進出其不意此所謂先人以奪其心也賊
見吾軍必走若待後軍賊已斷路兵雖多何益乃兼道
進軍多設旗鼓為疑兵賊見吳黃武七年權至皖口使
遠軍遂退逵據夾石濟休
陸遜督諸將大破曹休於石亭朱桓傳鄧陽大守周勣
將步騎十萬至皖城迎飭陸遜為元帥全綜與桓為左
右督各督二萬人擊休休知見欺自負眾盛邀于一戰
桓進計曰休本以親戚見任非智勇名將也今戰必敗
敗必走走當由夾石挂車此兩道皆險阨若以萬兵塞
路則彼眾可盡而休可生虜臣請將所部以斷之若蒙
大威得以休自效便可乘勝長驅進取壽春割有淮南
以規許洛此萬世一時也陸遜以為不可故計不行襄
宇記南峽成在桐城縣北四十七里南峽山在廬州舒
城縣西南一百里山有兩峰夾道故曰夾山綿亘甚遠
東至廬江南至桐城西至壽州盛唐界此即夾石也元

豐九城志桐城縣有挂車鎮

居巢

通典廬州巢縣漢居巢縣

舊唐志隋為襄宏縣武德七年改水經注江

水自濡湏口又東會柵口水導巢湖

寰宇記濡湏水出縣西巢湖亦謂

之馬尾溝東流經亞父山又東流注於江東關山在縣

東四十里巢湖在縣西南十五里顧野王輿地志云巢

湖西北至合肥界湖東南有石梁鑿山通水是名關口

一號東與本屬和州今巢縣亦管其一半地高峻險狹

實守阨之所吳魏相持於此南岸吳築城北岸魏置柵

踰關山在縣南三十七里輿地志云東關口有踰關山

昔岷箕也九域志東逕烏上城北南譙僑郡城南州郡志南

巢縣有岷箕山譙郡晉太元中于淮南僑立按又東左會清溪水東逕

隋志南譙郡蕲縣唐為巢縣

清溪城南注柵水謂之清溪口柵水又東南積而為簣

湖東有韓綜山

卽韓當子綜降魏死於東關之戰

東逕右塘穴北爲中

塘塘在四水中水出栢虎山北山上有虎山城有郭僧

坎城水北有趙祖悅城并東關城也塘卽東興堤

丁奉傳又

云徐

櫺水東南流注於大江謂之櫺口魏志夏侯惇

督二十六軍畱居巢

張遼自合肥徙屯居巢

臧霸從討孫權再入

巢湖攻居巢破之吳志諸葛恪傳初黃龍二年巢東興

隄遏湖水後征淮南敗以內船由是廢不復修恪以建

興元年

大帝傳作神鳳元年

十月會眾於東興更作大隄左右結

山俠築兩城使全端畱略守之

全端守西城畱略守東城

魏以吳軍

入其疆土恥於受侮大將胡遵諸葛誕等率眾七萬攻

圍兩塢圖壞堤遏恪興軍四萬晨夜赴救遵等作浮陣
度陣於堤上分兵攻兩城在高峻不可卒拔恪遣將軍
留贊呂據唐咨丁奉爲前部時天寒雪魏諸將會飲見
贊等兵少而解置鎧甲但兜鍪刀楯裸身緣遏大笑之
不卽嚴兵兵得上便鼓譟亂斫魏軍驚擾散走爭渡浮
橋壞絕自投於水更相蹈藉樂安太守桓嘉等并没叛
將韓綜爲魏前軍督亦斬之

丁奉傳諸將皆曰敵聞太

曰不然彼動其境內大舉而來必有成規無恃敵之不
至恃吾有以勝之及從恪西上奉曰今諸軍行遲若敵
據便地則難與爭鋒矣乃解諸軍使下道帥麾下三千
人徑進時北風奉舉帆二日至遂據徐塘按陳壽於此
事不書司馬昭

爲督統諱之

六安

通典漢六安國故城在壽州安豐縣南

寰宇記六安城在廬州舒城縣東

南六水經注泚水東北過六縣東又西北逕馬亭城西

十里今縣都陂中有大冢民傳曰公琴者卽皋陶冢也楚人謂冢爲琴吳志赤烏六年諸葛恪征六安破魏將謝順營收其民人全琮傳嘉禾二年督步騎五萬征六安六安民皆散走諸將欲分兵捕之琮曰夫乘危徼倖舉不百全者非國家大體也今分兵捕民得失相半縱有所獲猶不足以弱敵而副國望如或邂逅虧損非小

彪志於此

縣標六安國按前志六安爲國名六爲縣名後漢以六安國之六縣與他縣共并廬江則所存者名六縣水經

及晉志皆仍名六不連安字通稱則以六縣本六安國所治故三國志多作六安史記索隱引蘇林曰六縣今為六安蘇林是曹魏人則彼時自名六安在彪志本當云六安故國訛故字為安字

蓼

寰宇記壽州安豐縣有蓼城水經注潛水東北逕蓼縣

故城西

通鑑

秦始二年龐孟虬進至弋陽劉勳遣呂安

以地理考之蓼潭當即水經之

潛水出江夏平春者非此也

安豐

章懷注安豐縣故城在今壽州霍山縣西北

寰宇記霍邱縣西南

十三里

舊唐志安豐縣有芍陂灌田萬頃號安豐塘水經

注潁水又西北分為二水芍陂出焉又北逕五門亭西

西北流逕安豐縣故城西俗名之曰安城矣魏志王陵
傳吳大將全琮數萬眾寇芍陂凌率諸軍逆討與賊爭
塘力戰連日賊退走吳志赤烏四年遣衛將軍全琮略
淮南決芍陂燒安城邸閣王基傳吳遣朱異來救諸葛
誕軍於安城孫綝傳仍作安豐城是通名曰安城也一
至於大別杜預知舊說之不可通故云禹貢漢水至大
別南入江然則此二別江夏界按元和志魯山一名大
別山在沔州漢陽縣東北一百步其山前枕大江北帶
漢水小別山在漢陽縣東南五十里寰宇記山形如龜
土諺謂之龜山彪志非也毋丘儉傳注儉欽等表曰
臣與安豐護軍鄭翼廬江護軍呂宜合魏志護軍王休送
魏時於郡縣有兵馬處又別置護
軍永嘉後僭偽之國皆沿其制

陽泉

寰宇記今壽州霍邱縣西南有古陽泉城水經注決水

又北右會陽泉水東北流逕陽泉故城東故陽泉鄉漢

獻帝中封太尉王黃琬爲侯國

彪志本是侯國非始於黃琬

又西北

流左入決水謂之陽泉口吳志孫綝傳魏悉中外軍二

十餘萬增諸葛誕之圍朱異帥三萬人屯安豐城爲文

欽勢魏兖州刺史秦拒異於陽淵異敗退爲秦所迫死

傷二千人

按陽泉此偏作陽淵疑漢晉志皆避唐諱因改爲泉

魏滿寵傳吳將陸

遜向廬江論者以爲宜速赴之寵曰廬江雖小將勁兵

精賊舍舩二百里來後尾空懸尙欲誘致今宜聽其遂

進但恐走不可及耳整軍趨陽宜口吳人聞之夜遁

胡

省以爲卽
陽泉口

安風

章懷注安風縣故城在今壽州安豐縣南水經注窮水
出六安國安風縣窮谷左傳楚與吳師遇於窮者也北
灌安風謂之安風水流結爲陂謂之窮陂北流注於淮
淮水又東爲安風津水南有城故安風都尉治後立霍
邱戍淮中有洲俗號關洲魏志毋丘儉傳大將軍討儉
便諸葛誕督豫州諸軍從安豐津擬壽春儉眾潰獨與
小弟秀藏水邊草中安風津都尉部民張屬就射殺儉